

اداره مخصوصه

درسعادتنده باب عالی جاده سنده

محل اداره :

مشارف

۱۳۲۶

اخطار :

مسئله کوزه موافق آثار جدیدیه مع المنونیه

قبول اولنور

درج ابدلهین آثار اعاده اولنور

دین ، فلسفه ، ادبیات ، حقوق و علوم دین باحث هفته لاق رساله در

مؤسسه لری : ابوالعلا زین العابدین - ح . اشرف ادیب

درسعادتنده نسخه سی ۵۰ پاره در

قیراه دن مقوا بورو ایله کوندریلیرسه سنوی
۲۰ غروش فضله آلنیر

تاریخ تأسیسی

۱۰ تموز ۳۲۴

سنه لکی

۶۰

۸۰

۸۰

درسعادتنده

ولایاتده

ممالک اجنبیه ده

درسعادتنده پوسته ایله کوندریلیرسه ولایات بدلی اخذ اولنور

ایکنجی جلد


۱۹ رجب ۳۲۷ پنجشنبه ۲۳ تموز ۳۲۵

عدد : ۴۸

اولدینی حالدی، بوقید آنجوق لسانلرده قالدی. طلبه علوم منحصر آلیات ایله اشتغال باشلا دیلر. علوم زاجره، فقه دخی داخل اولدینی حالدی یواش یواش گوشه لره چکلدی. ایشته بوصورتله، شمیدی جامعلرمزده کوردیکمز اصول تحصیل تأسس ایتدی. زمانمزه کلدک.

قرانی حلیم ثابت

صوکی وار



ژاپونیا مکتوبلری :

— ۳ —

بشارت عظمی

بن برچوق وقتلردر ژاپونیه ده جولان ایتمکده ایدم، بورالرده بولندقجه اعیان مملکت ایله کسب معارفه ایتمکده غیرت ایتدم، برچوق اصحاب معرفت ایله انسیت پیدا ایتدک، وبرچوق مجالس عمومی و خصوصیه ده دین مبین اسلام فضائلندن آنافاناً بحث اولندی واتحاد شرق مسئله لرندن دخی سوزلر آچلدی.

عاقبت ژاپون ملتی دین اسلامی قبول ایدر فلان کبی سوزلردن آغز یوقلیانلرده آزدکلدی وبعضلری ژاپونیسانک پای تخی اولان نفس «توکیو» ده برمسجد لزومنی سویله مکده ایدیلر. برکون بنم بیلدیکم برچوق آدملر بالاتفاق بزه کلش لر، توکیوده دین اسلام ایچون بر مرکز اتحاد اولمیه سنی تکلیف ایلدیلر، اگر بزمسجد بناسنی التزام ایده جک اولورسوق، ژاپونلرده مسجده، مدرسه بناسنه لزوم اوله جق یرینی محانا. ویره جکلرینی سویله دیلر. بزده بویله برشی ذاتاً آرامقده ایدک، اصل سیاحتدن مقصد مزده بویله برقو آچق ایدی، شیمیدی مولابزی بویله برموفقیته مظهر ایلدی دیهرک مع الممنونیه «یوقوهاما» ده بولنان اخوان دین و تجاران معتبران ایله بالاستشاره، بویله بر نعمتی قبول ایتمزسک کفران نعمت اولور دیهرک، ژاپونلرک تکلیفی قبول ایتمکده قرار ویردک.

البته بویله بر امر عظیم بر آدم، ایکی آدم کاری دکدر، شو حالدی بویله بر بیوک خدمتی عموم اهل اسلامه حواله ایلماک مناسب کورلدی. ایشته شوسیه منی بوراده بولنان تجاران معتبران میانندن اوج آدم انتخاب اولنهرق ع، ماینه بووظیفه تودیع اولندی.

شیمیدی عموم کره ارض ده بولنان اخوان دین مبین حسیات دینه و ملیه لری ایله بواصر خیره مشارکت ایتک ایستلرله، اقتدار لری دائره سنده یوقوهاماده ساکن تجاران معتبران تراب علی زاده حاجی ولی محمد افندی جنابلرینه ارسال ایده بیلورلر. هرکیم هر نه قدر معاونت ایده جک اولورسه مقبولدر. اساس مطلب اتحاد شرق واتحاد اسلام اولدیفندن بواصر خیره اشتراک ایتمکده هرکس سربستدر.

عموم اهل اسلامدن هر نه احسان و معاونت ایدرسه، جمله سی بادقتر ضبط اولنهرق مسجده و مدرسه بناسی تمام اولدقدن صوکره هم حسابی و معاونت ایدنلرک (آرزو ایدرلرله اسملری ایله) هم بر آچقه سنه

علوم عربیه، مأمون دورلردن اعتبار آ علوم یونانیه، علم کلام، مزاحمه باشلادی. مدرسه لرده، مکتبلرده، جامعلرده علم قرآن، علم حدیث، آثار رسول یرینه علم فقه قائم اولمغه باشلادی. شو حال ابتداری بیوک برموفقیته ایدی؛ زیرا بویله جه علم فقه ده مذاهب مختلفه نیک تأسس، اشبو فن جلیک اساسی اولان علوم مآثورده حقیله تحلیل و تمثیل وقوعه کلش اولدیفنه برهان قوی تشکیل ایاوردی. زیرا علم فقه علوم مآثورده نیک بر نتیجه سی ایدی.

فی الحقیقه فقها سبعه، علقمة بن قیس السفی، مسروق بن الاجدع الهمدانی، شرحبیل، ابراهیم النخعی و عامر الشعبي، حماد بن ابی سلیمان، اعش، ابن ابی لیلی، سفیان ثوری، حسن بصری، عطاء بن ابی رباح، مجاهد طاوس اوزاعی ائمّه اربعه و سائر بو طبقه لرده یتشمش اولان علمای کرام حضراتی علوم مآثوریه عاداتاً تمثیل ایلیمشاردی. اشته شو موفقیته نتیجه حسنیه سی اولمق اوزره علم فقهک اساسی قورولدی، فروعاتی قوانین و اصوله ربط اولندی. شو کوردیکمز فن جلیل مبداهه کلدی.

لکن کیت کیده احوال دکشدی. علم فقهه بیوک بر رواج یرلدی. علوم مآثورده دن علم فقهک توقف ایتدیکی بر مقدار قلیلی اختیار ایدیلر اولدی. فقها ایله اهل آثار ایدیلر. آیری، آیری مسلمانلر تشکیل ایدیلر. حتی آرالرنده بعض اختلافلر تحدث ایلدی. فقهاء کرامدن بعضلری مواقع رسمیه ده بولنیورلردی. بوصورتله مسلمانلر ده بر نوع رسمیت واردی. بناء علیه قوت، رجحان فقها طرفنده ایدی. محمد بن اسماعیل بخاری حضرتلری صوکه زمانلرنده، امیر خالد بن احمد الدهلی نیک تشویقاتیله کبار فقهاء حنفیه دن اولان حریت بن ابی الورقاء و سائرلری طرفندن مذهبه طعن اولندی؛ فی ایلدی، اختیار لغنده برچوق زحمتلره دوچار اولدی؛ حتی قلمبده «اللهم انی ضاقت علی الارض بما رحبت فافضنی الیک» دیه دعا، نیاز ایده بیله جک قادر برانکسار حس ایلدی.

دها صوکره لری علوم یونانیه دهها زیاده رواج بولدی. مدرسه لرده بو علومه صوکه درجه رغبت ایدر اولدیلر. عاداتاً علوم اسلامییه صره سنه کچدی، تمثیل ایلدی. تفسیر، فقه فذرینه قدر اجرای نفوذ ایلدی. هله علم توحید بوجریانیه اوقدر قابلدی، که بو سبتون باشقه بر شکل آلهرق «علم کلام» نامنی آلدی. علوم عربیه تحصیل ده ایجه زحمتی ایشلر صره سنه کچدی. بوصورتله علوم مآثورده نیک مزاحملری اییدن اییه چوغلادی؛ سالکلری باشقه لرینه نظراً دائماً اقلیت تشکیل ایده جک بر حاله کلدی. امام احمدلره، ابن تیمیه لره ابن قیم لره، سائر برچوق علمای آثاره قارشو اجرا ایدیلن امتحانلر، اکثریتی تشکیل ایدنلرک نتیجه غالبیتی ایدی. ایشته بودورلردن صکره ایشلر دها باشقه بررنک آلدی. علوم داخله و محدثه دها زیاده رواج. بولهرق علم فقه دخی مغلوب اولمغه باشلادی. بوصورتله عالم اسلامیت علوم مآثورده دن ایکی درجه اوزاقلشمقده بولنیوردی. فقط مع التأسف ایشلر بویله ده قالمادی. علوم داخله، علوم عالییه دن

النیزدن یکپره رک کندی همشهریارینه تقدیم ایتمش . روس مسلمانلری ایچون برلسان عمومی لازم اولدیغنی دوشونمش . زیرا لسان بر قومک حباتی در . هرشیدن اول بوجهته بیوک همتلر صرفی اقتضا ایدر . باقش که لسانلر پک مختلف . او قدر میلیون خاق عین لسانی تکلم ایتدکلری حالدده چوقلری بربرینک دیدیکنی اکلایه میور ، طوغرودن طوغری یه باله هوله قونوشه مایورلر .

بومختلف لسانلری اصلاح وتوحیده چوق غیرت ایتمش . فقط بونکه برابر استانبولک عثمانلیجه سندن ده آریله مامش . زیرابز لسانی بوحاله کتیرنجیه قدر نهلر چکدک . ترکسیلرک ، ویسیلرک شان و شرفی توقیف ایدرک برآزده کندی اکلایه جغمز لسانی سویله لم ، دیدک . خیلی چالشدق . واقما ممکن مرتبه موفق اولدق ، لکن کوچ موفق اولدق . بونکه برابر حالا بعض بیوک قلملردن چیقان اثرلری کیمکیز راختله اکلایه مایورسکیز . اسماعیل بک غصپرینسکی حضرتلری بونی کوردیکی ایچون لسانی هرکسک راحت راحت اکلایه بیله جکی برصورته قویتمش . « سوزمش » دیدیکم بو .

اصول تدریس ده بویله . فضلهلری چیقاروب اکسیکلری اتمام ایتمش . اویله مکاتب تأسیس ایلیمش که حقیقه مفتاح العلوم یولی طوتمشدر .

ظن ایدر میسکیز که بوموفقیتی بلا مشکلات حصول پذیر اولدی ؟ ممکن می ؟ اوسعادت کیمه میسر اولمش ؟ بوغور ذاتک ده اوکنه بر چوق موانع چیقدی . برنجیسی کندی ایچمزدن ظهور ایتدی . بویوله تجددات وترقیاتی منفعتارینه مغایر کورن بر قسم خلق ممانعت ایدلر مشکلات چیقاردیلر ، مزاحم احداث ایتدیلر . بونی اقتحام حقیقه بیوک قهرمانلق در .

صوکر ا اوراسی ، برسنه اول بزم مملکتتمزی ازن ، بار تضییق التنده ایکه ده بر حال ایله مصاب ایدی . اقوامک تیقظاتی برجنایت ایدی . لکن بوغور ودرایتی ذات محترم مقصدینی اجرا خصوصتی اویله بر صورت عاقلانه ده ترتیب ایتمش که اوغراشدیغنی مسئلهلرک سیاساته ذره قدر تعلقی اولمادیغنی روسیه یه تأمین ایدرک آنک پنجه سندن کندی قورتارمشدر .

بریاندن کندی همشهریارلندن ایدیلرک ممانعت ، دیگر جهتدن روسیه نک مسلک شدید ومشوار غریبی بو نشبثاتی ثمره سز براقق پک قابل ایکن غصپرینسکی حضرتلری ایشی ایلری کتورمکه موفق اولمش . او قدرکه قریم ، قزان ، اورنبورغ طرفلرنده ترقیات لسانیه و علمیه حقیقه بر صورت حسنه پیدا ایتمش ، هر سنه یوزلرجه طلاب بوراده تحصیل معارفدن صوکر ایدرلر ، مملکتلرنده خدمت ایدرلر . مجلسی شرفلندیرمک اوزره بونلرک ایچروسنده برینک اسمنی ذکر ایدیورم : فاتح کریموف حضرتلری . (شدتلی القیشلر) بوذات اورنبورغده بر مطبعه آچدی . استاذی بولونان بیوک اسماعیل بک غصپرینسکی حضرتلرینک پیروی اولیور .

حتی ده زیاده منویتمیزی موجب احوالندرد : اخیراً ، شورقاج

قدر کتاب شکلنده طبع اولنهرق ، بشون اعانه کوندرمش آدملره برر نسخه سی (محباناً) ارسال اولنهرق قدر .

بو خصوصده قزانده منتشر (بیان الحق) غزته سی وترکیاده (صراط مستقیم) رساله سی صحیفه لرنده مفصل مقاله لر اوله جقدر .

حاجی ولی محمد افندی ک آدرسینی بونکه برابر ارسال ایدرک ممکن اولورسه غزته معتبره کزده نشر ایتمه کزی صمیمی استرحام ایدرز .

بونک ایله برابر درسعادت مهندسلری طرفندن مناسب برپلان وفصاد ترسیم ایدوب کوندره جک ذوات کرام بولورسه مع الممنونیه قبول اولنهرجنی آروجه عرض اولنور .

عبد الرشید ابراهیم
« توکیو »

قونفرانس

[تموزک ۱۹ نجی ایشامی ، بازار ایرتسی کیجه سی ، ساعت بر بچقده احمد مدحت افندی حضرتلری قولنده اسماعیل بک غصپرینسکی حضرتلری اولدقلری حالدده صحنه خطابتی تشریف بیوردیلر . شدتلی آلقیشلرله قارشولندقدن صوکر ا احمد مدحت افندی ، غصپرینسکی حضرتلرینی حضاره تقدیم ایتدی :]

افندیلرم ! سزه بواقشام اسماعیل بک غصپرینسکی حضرتلرینی تقدیم ایله مشرفم . تحصیل ابتدائی حقدده عمومی براداره افکاره دائر برکوزل مقاله ایراد بیوره جقلردر . واقما « سویله نه باقمه ، سویله نن سوزه باقمه » دنیامش سده ، برآزده سویله نه باقمه لازم در . حقیقت هرکیمک آغزندن چیقسه حقیقت در ، اما بحق تقدیر لیدن آدمک آغزندن چیقمسی باشقه لطافت کوستر .

اسماعیل بک غصپرینسکی ... ایچکزدن پک چوغکیز بو بیوک اسمی ایشتمشدر . یکرمی سکیز سنه دنبری قریمده نشر اولونان ترجمان غزته سی هر نه قدر ممالک عثمانیه یه دخول شرفندن محروم ایدیلیمک ایسته نیلمش سده دخولی منع اولنق ایسته نن سائر آثار معتبره کی اوده داخل اولمشدر . اسماعیل بک غصپرینسکی حضرتلری باغچه سرای اهاالیسندندر . بوندن یکرمی سکیز ، اوتوز سنه اول مملکتک احوالنه نظر ایتمش ، بواهایی پی معارج ترقی به سوق ایتیمی کندینه امل ، امل محض ایدیمش . اوزمان قریمک قازاندن ، قازانک اورنبورغدن خبری یوق ایکن ، اقسام اسلامیه میاننده ارتباط بولونمورکن ترجمان ایله روسیه ساحه وسیعده کی اقسام اسلامیه پی بربرینه طاتممش ، بونلرک معارفجه نه قدر نقصانی بولوندیغنی تفهیم ایتمش . بریاندن غزته سی ودیکر طرفن کتب و رسائل ایله القات وارشادانده دوام ایله برابر مملکتده تدریسات ابتدائی اصولی یرلشدیرمش . کندیسی استانبوله کلهرک ، مصره کیدرک تدریساتک ماهیتنی ایجه تدقیق ایتدکدن صوکر اونی سوزهرک ، برکوزل